



Hjelmås VVS AS
Leknesvegen 183
5915 HJELMÅS

Referanser:
Dykkar:
Vår: 15/3960 - 16/110

Saksbehandlar:
Eilin Houlison Molvik
EilinHoulison.Molvik@lindas.kommune.no

Dato:
11.05.2016

Utsleppsløyve - etablering av minireinseanlegg gbnr 238/13 Eknes indre

Administrativt vedtak. Saknr: 003/16

Tiltakshavar: Rolf Femanger
Ansvarleg søkjer: Hjelmås VVS AS
Type utslepp : Sanitært avløpsvatn med utslepp mindre enn 50 pe
Søknadstype: Forureiningslova § 11, jf. forureiningsforskrifta § 12-5

SAKSUTGREIING:

Tiltak

Saka gjeld søknad om utsleppsløyve for gbnr.238/13. Storleiken til utsleppet er opplyst til 5 pe. Det vert elles vist til søknad mottatt 23.11.15 og supplert 17.02.16. Søknaden gjed utskifting av eksisteranse anlegg til minireinseanlegg.

Planstatus

Eigedommen ligg i uregulert område sett av til spredt bustadbygging i kommuneplanen sin arealdel for 2011-2023.

Plassering

Plassering av minireinseanlegg og utsleppsstad er vist i kart i målestokk 1:200 datert 16.02.16. Ansvarleg søkjar har i søknad erklært at anlegget i heilskap skal plasserast på eigedom gbnr. 238/13. Det er ein føresetnad for utsleppsløyve at naudsynte private rettar ligg føre.

Nabovarsel

Partar og andre som vert råka av utsleppet er varsla og er gjeve høve til å uttale seg innan fire veker frå varsel er sendt, jf. forureiningsforskrifta § 12-4 nr 2.

Det har ikkje komen merknader til søknaden



Privatrettslege tilhøve

Anlegget skal plasserast på tiltakshavar si eigedom og er ikkje avhengig av privatrettslege løyve.

Reinseløysing

Det skal nyttast biologisk/kjemisk reinseanlegg av typen Biovac. Anlegget tilfredsstillar NS EN-12566-3. Omsøkte reinseløysing stettar krav til utsleppsstad i følsamt/normalt område, med brukarinteresser.

Drift og vedlikehald

Det er eit vilkår for utsleppsløyvet at anleggseigar inngår serviceavtale for drift og vedlikehald av anlegget, jf. forureiningsforskrifta § 12-14 nr. 1 c.

VURDERING

Plassering

Plassering av anlegg og leidningsnett kan etter kommunen sin vurdering godkjennast i samsvar med kart datert 15.02.16, gammalt annlegg må koblast av og sannerast.

Reinsekrav

Søknad om utsleppsløyve kan etter kommunen sin vurdering godkjennast slik den ligg føre med krav til Biovac minireinseanlegg FD 5N PEH.

Drift og vedlikehald

Det er lagt fram serviceavtale for anlegget datert 02.11.15.

Godkjenning etter andre lovverk

Før arbeidet med etablering av anlegget kan setjast i verk må det søkjast om løyve til tiltak etter plan- og bygningslova.

Det ligg føre uttale frå Statens vegvesen datert 04.02.16 med omsyn til nytt minireinseanlegg plassert 4 meter frå vegkant av FV 393.

VEDTAK:

Med heimel i forureiningslova § 11, forureiningsforskrifta §§ 12-3 og 12-5 vert det gjeve utsleppsløyve for utslepp frå eksisterande einebustad på gbnr. 238/13, dvs. inntil 5 pe, for Biovac minireinseanlegg FD5N på følgjande vilkår:

- 1. Avlaupet skal reinast i biologisk/kjemisk reinseanlegg av typen Biovac før det reinsa avlaupsvatnet vert ført til bekk med heilårleg vassig på eigedom gbnr. 238/16.**
- 2. Anlegget skal plasserast slik som vist på kart datert 15.02.16.**

- 3. Reinseanlegget skal plasserast lik at det kan driftast og vedlikehaldast av godkjend føretak. Det er eit vilkår for løyvet at det til ei kvar tid ligg føre serviceavtale for drift og vedlikehald av anlegget.**
- 4. Eksisterande anlegg skal koblast av og sanerast.**

Arbeidet med etablering av anlegget kan ikkje ta til før det ligg føre løyve etter plan- og bygningslova.

Eigedomen skal knytast til offentleg godkjend avlaupsleidning eller anna felleisleidning dersom slike vert ført fram til området og kommunen set krav om det.

Eigar av anlegget er ansvarleg for eventuell forureining frå anlegget, jf. Forureiningslova § 7

Mynde

Saka er handsama og avgjort administrativt i medhald av delegert mynde, jf. kommunelova § 23 nr 4 og gjeldande delegasjonsreglement.

Klage

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngjevast.

Før det kan reisas søksmål om vedtaket er gyldig eller krav om erstatning, må høve til å klage på vedtaket vere nytta fullt ut, jf. fvl. § 27b.

Ansvar

Anleggseigar er ansvarleg for at alt arbeid følgjer føresegner gjeve i eller i medhald av forureiningslova og plan- og bygningslova. Om søknaden er i strid med offentlege føresegner, gjeld føresegnene føre løyvet. Vedtak etter forureiningslova inneberer ikkje avgjerd i privatrettslege tilhøve.

Bortfall av løyve

Er arbeidet med etablering av avløpsanlegget ikkje sett i verk innan tre år etter at løyve er gitt, eller innstillast arbeidet i lengre tid enn to år, faller retten til å etablere utsleppet bort. Om utslepp framleis er aktuelt må ny søknad sendast inn, jf. forureiningsforskrifta § 12-5, fjerde ledd.

Ferdigstilling

Når arbeidet med etablering av avløpsanlegget er ferdigstilt skal den ansvarlege for arbeidet skriftleg melde i frå til kommunen at anlegget er etablert og arbeidet utført i samsvar med dette løyvet. Samstundes skal det senast inn stadfesting for montering frå det føretaket som har levert anlegget, og serviceavtale for drift og vedlikehald.

Plassering av anlegg, samt leidningsanlegg med kummar, knekkpunkt og utsleppspunkt skal innmålast og koordinatar skal sendast kommunen, seinast ved førespurnad om mellombels bruksløyve/ferdigattest. Anlegget eller nokon del av det kan ikkje takast i bruk før det ligg føre mellombels bruksløyve eller ferdigattest etter plan- og bygningslova.

Tilsyn, endring og opphøyr av løyvet

Kommunen er forureiningsstyresmak og fører tilsyn med at føresegner, lovverk og vedtak fatta i tråd med forureiningsforskrifta kapittel 12 vert følgd. Forureiningsstyresmakta har rett og plikt til å utføra tilsyn med avlaupsanlegga. Tilsynet vil kunna omfatta kontroll av anlegg si yting/funksjon og kontroll av kvalitet på utført sørvis og vedlikehald. Eigar av anlegget må dekke kostnad knytt til tilsyn og kontroll, jf. forureiningslova kap.7.

Om utsleppet fører til uventa forureiningsproblem, kan forureiningsstyresmakta oppheve eller endre vilkåra i utsleppsløyvet, sette nye vilkår og om naudsynt kalle tilbake løyvet i samsvar med forureiningslova § 18, jf. forureiningsforskrifta § 12-14.

Ved all vidare kontakt i denne saka, ver venleg og referer til saknr.: 15/3960

Med helsing

Siril Sylta
avdelingsleiar

Eilin Houlison Molvik
rådgjevar

Dette dokumentet er elektronisk godkjent og har difor ingen signatur.

Kopi til:

Rolf Femanger

Eidavegen 238 5993

OSTEREIDET

Mottakarar:

Hjelmås VVS AS

Leknesvegen 183 5915

HJELMÅS